



**Kev nyiaj cov ntaub ntawv txheeb cim tus kheej yeej tshwm sim nyob rau hauv txhua lub zej zog, yog li kav tsij thov kev pab ua koj hom lus**

**Xav tias muaj qee tus neeg nyiaj koj cov ntaub ntawv txheeb cim tus kheej lawm puas yog? Tshaj qhia qhov no ua Lus Hmoob.**

Hu rau 877-438-4338 thiab nias 3 txhawm rau kom cuag tau ib tug neeg txhais lus

[Lub Lim Tiam Muab Kev Paub Txog Kev Nyiaj Cov Ntaub Ntawv Txheeb Cim Tus Kheej](#) yog ib lub sijhawm zoo los kawm paub txog txoj hauv kev zeem kom pom, zam, thiab tshaj qhia txog kev nyiaj cov ntaub ntawv txheeb cim tus kheej. Muaj feem uas koj yuav paub qee tus neeg uas tau ntsib kev raug nyiaj cov ntaub ntawv txheeb cim tus kheej. Qhov ntawd yog thaum qee tus neeg siv koj cov ntaub ntawv ntiag tug los sis cov

ntaub ntawv fab nyiaj txiag yam tsis tau koj li kev tso cai los ua kev dag ntxias. Nws tuaj yeem tshwm sim rau txhua tus, hauv txhua lub zej zog. Yog li koj yuav tau txais kev pab ua koj hom lus tau li cas?

Tshuaj xyuas cov ntawv tshaj tawm tshiab hais txog, [Txoj Hauv Kev Zeem Kom Pom, Zam, thiab Tshaj Qhia txog Kev Nyiaj Cov Ntaub Ntawv Txheeb Cim Tus Kheej Ua Koj Hom Lus](#) ntawm [ftc.gov/languages](http://ftc.gov/languages). Kawm paub txog tias seb kev nyiaj cov ntaub ntawv txheeb cim tus kheej yog dab tsi, txoj hauv kev los zeem kom pom nws, yam uas koj yuav tuaj yeem ua los tiv thaiv koj cov ntaub ntawv txheeb cim tus kheej, thiab qhov chaw yuav tshaj qhia txog nws thiab thov kev pab. Txhawm rau thov cov ntawv theej pub dawb ua Lus Askiv, Lus Xab Pees Niv, Lus Suav, Lus Kaus Lim, los sis Lus Nyab Laj txhawm rau muab faib qhia rau lwm tus, mus saib [ftc.gov/bulkorder](http://ftc.gov/bulkorder). Koj tuaj yeem ua yam sib txawv hauv koj lub zej zog los ntawm kev faib qhia cov ntaub ntawv no rau cov neeg uas xav paub txog txoj hauv kev tiv thaiv lawv cov ntaub ntawv - thiab yam uas yuav yog lawv xoom xaim tias muaj kev nyiaj cov ntaub ntawv txheeb cim tus kheej.

Thiab tam sim no nws kuj yeej yooj yim dua li ib txwm lawm uas yuav los tshaj qhia txog cov ntaub ntawv txheeb cim tus kheej rau FTC ua hom lus uas koj nyiam. Thaum koj piav qhia txog koj zaj dab neeg, ces koj kuj yuav tau txais kev pab txog yam uas yuav ua txuas mus ntxiv tib si thiab. Txhawm rau tshaj qhia ua Lus Askiv, mus rau [IdentityTheft.gov](http://IdentityTheft.gov). Ua Lus Xab Pees Niv, mus saib [Robodeldentidad.gov](http://Robodeldentidad.gov). Yog tias koj xav tshaj qhia txog kev nyiaj cov ntaub ntawv txheeb cim tus kheej ua lwm hom lus, hu rau (877) 438-4338 nyob rau ncuas 9 teev sawv ntxov txog 5 teev tsaus ntuj raws Lub Sij Hawm Sab Hnub Tuaj. Nias 3 txhawm rau xaiv koj hom lus thiab txuas lus nrog tus neeg txhais lus uas yuav los txais koj qhov kev tshaj qhia.

Kev tshawb fawb qhia hais tias tib neeg yuav ntseeg siab ntau dua rau cov ntaub ntawv uas lawv tau txais los ntawm cov tib neeg uas lawv ntseeg siab. Yog li ntawd: thov faib qhia yam koj paub rau tsev neeg thiab tej phooj ywg hauv koj cov zej zog.